

DORCA PAWL APAN KIZAKSAKNA POIMOH

2017 September 7-10 Chiang a Dorka Khawmpilian 41-veina om ding ah Central Delhi Saptuam a Dorkate tel ding a i kisak chiat uh lamet huai i sa hi. Tunna mun ding leng a ut zahzah kitat theihna 'guest house' ki-booked zouta ahih man in, kuahiam ticket ana lakhin i om tak ualeh khawmpai vai toh kisai a committee member hi seselou le leng ticket ka lata chih Dorka Pawl a Finance Secy. Kiang ah zasak thei le, navak huai tuan di ahi.

Khawmpai vai a pai dite tengteng ahithe tan in munkhat 'guest house' ah khawmpai hunsung omkhawm kinken di ihi uhi. Huai banah, lapawl zilna leng kipanta ahih man in a sawmtaktakte a kinlam in kizasak ni aw. Vaisai navak zawk ding ngimna in, minpiak lut ni 15 July, 2015 last date ahi ding.

Khawmpai adia zinna ding ticket la teng Kiang a sum tamloulou kipe ding ahi; Local Upa Committee Kiang a kinget dungzui in, Rs. 40,000/- phaltak in hon pia uhi. Tua ziaK in Local Upa Committee te tung ah leng Dorka Pawl min in kipahtu i gen in i taklang ngal ahi. Dorcas te hon deihsakna uleh akipiakhona uh thupilua, Toupa min i phat hi.

Lapawl sak Chiang a puan-ak silh dite Dorcas Committee in dress man ding teng seng ding ahi. Kumthum hal zel a khawmpilian om zel ahih man in hun hoih i neih lailai in lunggel ni.

~ Dorcas Committee, Central Delhi EBCC

NIPINI PAITA [02.07.2017] A THOHLAWM

Thohlawm (BCD) - 800/- ; Thohlawm (Mipi) - 5,832/- ; Sawm-a-Khat - 1,62,589/- ; DORCED - 700/- ;
Antang-pham - 1,000/- ; Dorcas Talent - 1,300/- ; GBC Naupang Chawmna - 2,000/- ;
Dorcas Khut-nasep - 3400/- ; Building Fund (Nitha) - 1,600/- ; Missionary Vakna (Family) - 8,000/- ;
Missionary Vakna (Local) - 2,950/- ; Local Missionary Fund/Box - 3,200/-.

MIZORAM DIVISION ADING LAIBU LUI KAIHKHAWMSAK DING A NGETNA

EBC Mizoram Divisional Superintendent apan Ngetna om bang in Division sung a High School - 1, Junior High School - 3 leh JB School - 2 a school naupangte' sim ding leh School Library dan a koih di'n a omthei bangbang Second Hand Laibu, Khopi Saptuamte'n hon kaikhawm ding in hon kingen hi. Kaihkhawm ding laibute hichi lam deuh chih om tuankei mahleh naupangte adia hoih dia lam-et leh a phattuampih theih ding laibu peuhmah hithe ding hi. Tua bang ahihman in, i zat nawnlough laibute naupangte adia laibu manpha leh a hinna uh bawltu hithe ahi chih phawk in a omthei bangbang hon kaikhawm a Dorcas Hall tawn a hon khak ding in i kingen hi.

~ Director (SD) & DDO, EBC

DEPARTMENTAL JOINT FELLOWSHIP OM DING

Saptuam Year Plan 2017 a kigelsa bang in July 29, 2017 (Kiginni) in Ministerial Committee makaih in 'Departmental Joint Fellowship' Pastor Quarter ah neih sawm ahi. Hiai hun ah i Saptuam a Department chih apan report-te ngaihkhakna hun om ding. A kisaipih Department chih a member-te'n ngai poimoh a tel thei chiat di'n na na kiging ni. Program kimzaw awl in hong kitheisak ding ahi.

EBCC-CD Church Address : Christ Methodist Church, 1 Butler Road, Tis Hazari,
(Near St. Stephen Hospital), New Delhi – 110054

Pastor Address: 90-A, DDA Flat, New R-Block, Dilshad Garden, New Delhi - 110095
(Near Jhilmil Metro Station) Phone No. +91-9717532608

Tukum Thupi:

"DIKTATNA A
KILAMTHAKNA"
Paunakte14:34

**Tukha Thupi:**

Laisiangthou hinkhiakpih
a Khrist Melsun dia
Khrist a Kilamthakna

Vol. 5 / No. 41 | July 09, 2017 | EBCC Central Delhi Publication for Private Circulation Only

THUMNA MAKAI

* Tuni Amah i biak theihna'ng hun thoveng tak hon neisak Toupa Kiang ah kipahtu gen ni.

* Delhi a Saptuam Complex ding i lunggulh utoh kisai Toupa' makaihna ngen zom zel ni.

* Project Mission Workers Tour a hongzin i Heutu 4-te toh Delhi ah hun manpha tak i neihte uh ziaK in Toupa' lakah kipahtu genni. I heutate' hinkhua & a kizatrate un hon chou mahmah a, gim-le-tawl palsuak a Toupa' gam nna sem amaute i neih ziaK un Toupa phat ni. Chidam tak a Delhi-Lamka tungta ahihna uah Pathian lakah kipahtu gen bok ni.

* I Pastor-masa uh Rev. G. Kamzaman, (DS Singngat) tulai in Delhi ah doctor ki-ensak in omlel a, chidamna hoihtak ngen in thumpih ni hang. Zanlam zek in bus ah gutate'n a sum leh documents poimoh hunkhop ana laksuh kha zomah uh ahi, poi petmah.

* Dorka Khawmpilian (7-10 Sept. 2017) a hoi ding - ei Central Delhi Saptuam apan, Dorkate i thumna uah phawk zom zel ni aw.

* Nipini nawn (16-07-2017) Biakna Kikhopen Nipi Skul hi ding ahi a, prog a tan neite leh sinsaktu ding i thumna uah phawk ni.

LUSUNNA

I Saptuam member pih Tg. Tuankhanthang in zan zing baihtak in a tenna inn (Dwarka) uah hon beisan a, lusunna prog i Saptuam intekna in zan (kiginni) mah nitalam in zat hi a, Local Pastor in khamuanna thutak gen hi. A hunlou tak a i unaupa'n hon beisan phut na ah, Saptuam mite'n i sun petmah uhi. Intekte leh hiai sihna ziaK a a dah & lusunte teng Toupa'n hon khamuan chiat hen.

TUNI BIAKNA

[9 July, 2017 ; 2 PM]

Pantu : Nu Rounem

Biakna & Phatna : Worship Team makaih in

Thohlawm latna : Upa Thangzalun

Thugen : Rev. G. Kamzaman

Thupuanna :

Hunkhakna : Upa Tualzapau

TUNI - BCD DEVOTION

[9th July, 2017 ; 2 PM]

Pitu : Htn. Chingremmawi

Bible Sim a Thumna : Vungngaihsang (Pri)

La Sakkhawmna : Music Dept

Thohlawm la khawmtu : Raphael Group apan -

Joshua Khupminthang & Hnunthansang

Thohlawm lantu : Htn. Elish Chingngaihman

Special No. :

Thupuanna :

Hunkhakna : Toupa Thumna

NGEINA BANGIN TUNI CLASS OMDING.

BCD CONTEST SUNDAY - JULY 16, 2017.

BCD INTERNAL EXAM - JULY 30, 2017.

BCD DAY - AUGUST 20, 2017 AHI.

&%@ EBC Delhi Silver Jubilee Souvenir copy khat ah Rs. 200/- man, a deihte'n Usher-te / Local Secy thuzak theih ding ahi.

@%& BYF in fund drive na'ng in tuni a ki-released ding music video album 'Phatna Luangkham Vol. III' zuak zuingal ding in Delhi hongtung a, tuni'n kingah thei ding. Copy tamlou ahihna ah ngaihven baih hoih ding ahi.

PROJECT MISSION WORKERS TOUR FEEDBACK & COMMENTS**1 ~ Upa T. Nangzalam, G. Gamphazawl**

Tutung city-tour paina, nuam e. Lungkim huai hina e, chik mah a tuankhak ngeilouhna - Train, Metro, Lenna, Car te a kituang kha. Shaktiman a tuan toh teh in kikhokhiak kia hiphet lou in kikalkhiak himai hi. Nek leh dawn lah nekkhak ngeilouh chi tuamtuum kinene mai; muhkak ngei dia lam-et louhte kimu kha phet lou in khut mahmah a kikhoih kha, India vaihawmna innpite kimu kha, India President tenna innpi sung vamu kha, vasik kha chih tel khawng thupi lua himai! India Zalenna ding a sih tanpha a pangtute lim leh melte a mun mahmah a vamu kha, lim (photos) vakilak pih kha zomah lai - nuam lua, kipah huai lua, thupi lua himai.

Abanah, Gandhi Museum, Nehru Museum te leh... ka gen sengkei lungsim hon koih lua. Khasiat suak e. Hon makaih ten lah mitnauta bang a hon kem uh, ta bang a hon enkol uh, lamdang lua thupi lua.

Ash! Inlam a Saptuamte leh Student-te kiang a gen ding kal ngaklah huai himai... Hiai bang teng muhtheihna ding a lampi hon bawl sak EBC Central Delhi Saptuamte tung ah kipahna - Delhi gam leitang sang in leng lianzaw hi. Huaiziakin na kithutuahna uh leh na mi na sate uh na itna uh thupi ka sa mahmah a, tuabang a pangkhawm & semkhawm thei zel dingin I biak uh Pa Pathian in honpi tawn tung henla, sum-le-pai, tha-le-zung na sennate uh alehtampi in Toupan hon vualzawl hen, Halleluiah!

2 ~ Ch. Jamkhanthang, Lamzang CES

Dear Central Delhi Saptuamte,

Pathian vualzawl na natan na ua pan a, Delhi Tour dia non seh/sapna uapan a ka muh hiai dan ahi:

Pathian in Amite midangte lakah niamtuanlou in hon kem hi. Mite lak ah muhsit phak vuallouh din, mite lak ah hon koih. Na mite uh na huainate uh thupi ka sa. Pathian' thupina leh hoihna gen vuallouh a thupi - khopi a omte, gen vuallouh singtangmite muh phaklouh tampi, theih phaklouh mit mahmah a hon mu sak a, a mite kikhopna mun a hong tel sak manin ka kipak hi. A tawpna ah Central Delhi te arrangement / project bawl leh Tuailaite zat siam dan ka muh in thupi ka sa a kipah huai sa in kipah thu ka gen hi. Toupa'n hon vualzawl zel hen aw.

3 ~ Upa V. Tualkhansong, Tuitengzang

1) **"KALAI SAI"**: Thupi lua, khovel kumpi / milal khualzinte mah hon bang sak ua, officer lianpihi leh heutute leh Dorca's heutute, BYF nungak leh tangvalte'n honna dawn uh – ka muh in, ka khasiattha bang suak hial hi.

2) **THUPI / NASIA SA'NG**: Koute – nimnem hon buaipih dia, officer hi in, officer lou hileh – kingainiam tak a hong ki su–awngthawl uh. A sepna ua leave la zen a hon awlmoh takpi uh.

3) **ATHAK NGEN**: Muh khak ngei louh, etkhak ngei louh neih khak ngei louh, nek khak ngei louh, dawn khak ngei louh, a thak ngen hon pia / nesak / dawn sak uh.

4) **KINGAIHNIAH UH**: Delhi a om i heutu / imi–isate, Jesu bang in – kingainiam lua uh. Ka driver te uh – officer lianpihi ngen hi uh.

5) **HICHI ZAW DEUH**: Hichizaw deuh leh chih ding bangmah omlou, thil bangkim lungkim huai vek.

6) **HONG ITLOU HILEH**: Jesu'n hon it bang a, hong itlou hi le uh – tua bang teng pianglou ding.

Contd. Next Page

7) Lamka to Delhi up-down a lampai man, nek man, zunthak-ekthak man tanpha hon piak sak uh.

8) **DUHTHUSAM**: Biakna kikhawp ah hun sauzaw deuh zattheih hien la, gennop teng kim deuh a gen man na ding hun om hileh – chih huai mahmah. Hilele, tua tan a le tuh lungkim lua.

9) **ITNA ZIAK A THILPIA**: Itna ziak a thilpiak - sum-le-pai, silh-le-ten, nek theih tuamtuum no'n piakte uh, koute' tung a na senna tengtung uh, a tamzaw sem in Pathian in hon vualzawl hen. "Halleluiah"! No'n thilpiak uh sim senglouhte ziakin Toupa'n thupina tengtung tangta hen. Lungdam lua ing.

4 ~ Upa S. Haukhanthang, D. Leikot

Tutung city-tour paina a, thil tuamtuum chik mah a muh ngeilouh khopi leh a sung a thil omte ka muh in nuam kasa mahmah a; a biktak in, Naupangte sinsakna toh kisai in Naupangte lak a hilh chian ding leh chin ding tampi - laisim kukal ding dan khawng leh mi masate' gam it dan leh laibu a a lim a amuh gige uh thilte leh mithupite tanchin khawng amau'(naupangte) lak puak sawmding thil tampi mu a ka kitheih ziak in ka kipak mahmah hi.

Tua lou thildang muh nop leh lamdang leh thupi tak ka sak ka muh in tha hon thousak a, lungsim leh mit thon taisak mah mah hi.

Hiai bang thilte muhtheihna dia sum-le-pai tampi seng a lem hon gelsakte tung ah nakpitak in ka kipathu ka gen ahi. Tua bang sunzom theisel dignin Toupan amaute vualzawl in ompih zelta hen!

TUAILAI PAWL APAN KIPATHUGENNA

EBCC Central Delhi Saptuam a Project Mission Workers' Tour 2017 (2nd Batch) Pathian panpihna toh bangmah nawngkaina omlou in zohsiang in a omta, i biak Pathian kiang ah kipathu i gen ahi. Hiai hun a Evan. Teacher 4 hong zin ua, amaute – (i) Upa V. Tualkhansong, Headmaster CES Tuitengzang, LND; (ii) Upa T. Nangzalam, Headmaster CES Gamphazawl, LND; (iii) Upa S. Haukhanthang, Asst. Teacher CES D-Leikot, LSD leh (iv) Ch. Jamkhanthang, Asst. Teacher CES Lamzang, LSD hi uhi.

I heutute hong tunma, hong tunhun uleh Delhi a om sung ua i Saptuam a Department tuamtuum te pangkhawmna leh awlmohna-kiakzohnate uh thupi mahmah a; tuate banah, BYF member kipezou mahmahte ziak a lohching leh lungtunhuai tak a Project sem buching thei ihi uhi. I pangkhawmnate uh ziak in Toupa'n thupina tengtung tangta hen.

Hiai Project Mission Workers Tour hunsung a hon a buaipih kate, tha-le-zung, sum-le-pai, thilpiak leh thumna a pangkhate tengtung kiang a BYF in kipahna sangpen hiai C-DEW tungtawn in ka hon gen uhi. Maban ah le sepsuah di tampi omlai ahi chih phawk kawm in tuabang a Pathian min thupi zosem di'n kipanpih tuah zom zel din le ka hon ngen uhi.

~ Assistant Secy., BYF EBCC-CD

BUILDING COMMITTEE APAN NGETNA LEH THEIHSAKNA

Delhi EBC Building Committee meeting thupukna 2na bang in, tukum sung a Saptuam member chih in i nikhat tha thohkhawm nawn ding chih ahi. Hiai di'n Saptuam mipite'n a lem thei masa pen a thohkhawm siausiau di'n i kigen in i kitheisak hi. ~ L/Upa Pumchinkhup, Secretary, Bldg. Committee
